

Senad Šepić

1. Inicijativa upućena Vijeću ministara BiH – „Predlažem da Vijeće ministara BiH razmotri i utvrdi listu prioriteta za realizaciju programa i potencijalnog novog pristupa EU prema BiH, sa akcentom na jačanje ekonomske stabilnosti zemlje, institucija pravne države i borbu protiv korupcije, te da je dostavi Parlamentarnoj skupštini BiH, a najkasnije u roku od 30 dana.“
2. Pitanje postavljeno Vijeću ministara BiH i Konferenciji ministara iz oblasti zdravstva u BiH – „Molim da mi dostavite informaciju o načinu formiranja i realizaciji programa „liste čekanja“ za pacijente u BiH, s analizom stanja u kantonima u FBiH, međukantonalne saradnje, međuentitetske i saradnje s Brčko Distriktom BiH.“
3. Pitanje postavljeno Vijeću ministara BiH, Vladi Federacije BiH, Vladi Republike Srpske, Vladi Brčko Distrikta BiH i vladama kantona u Federaciji BiH – „Na osnovu kojih principa i kriterija vlade na svim nivoima vlasti u BiH donose odluke o finansijskoj podršci i subvenciji državnim i privatnim preduzećima u BiH?
Molim da mi dostavite spisak i iznose svih državnih i privatnih preduzeća koje finansijski podržavaju Vijeće ministara BiH, vlade FBiH i RS-a, vlade kantona u FBiH i Vlada Brčko Distrikta BiH u periodu aktuelnog mandata 2010. – 2014. godine.“
4. Pitanje postavljeno Kolegiju Predstavničkog doma Parlamentarne skupštine BiH - Zašto do sada nije realiziran zaključak i odluka ovog doma da se obavi rasprava o trenutnoj poziciji BiH na evropskom putu sa aspekta našeg ispunjavanja uslova za počinjanje pregovora za članstvo u EU? Dakle, ovaj dom usvojio je tu inicijativu, Zajednički kolegij je također prihvatio tu inicijativu, imamo spremne materijale od Komisije za evropske integracije i moje pitanje je ponovo rukovodstvu Doma, koje ima obavezu da uvrsti ovu tačku i realizira ovaj zaključak – Zašto to do sada nije uradilo i zašto zapravo vi odbijate da realizirate odluke koje ovaj dom usvaja?“